

# Маҳалладош

## Хушxabарлар

### ЎЗГАЧА ФАЙЗ

«Ҳашар — элга ярашар», — деган ажойиб нақл бор халқимизда. — дейди шаҳримизнинг Авлоний номи маҳалласи кўмитаси раиси Турғун ака Бекмуҳамедов. — Шунга биноан маҳалламиз аҳли билан биргаликда ҳашар ўтказдик. Унда катта-ю кичик бирдек яқдил қатнашди. Улар кўчаларига чиқишиб ободончилик, кўна-ламзорлаштириш каби ишларни бажаришди. Шу кунни маҳалланинг 500 га яқин хонадонидан ҳар бир киши камда бир тупдан мевали кўчат ўтказди ва натижада маҳалламизнинг 8 сотихдан иборат боғи ҳам обод гўшага айланди.

Дарҳақиқат, ҳашардан сўнг маҳаллада бўлган киши у ердаги ўзгача файз ва кўркамликни кўриб, бажарилган ободончилик ишларининг шохиди бўлади. Аҳиллик ва ҳамкорлик билан қилинган иш ҳаммаша яхши самара бериши ҳаммага маълум.

Зухра МУҲАМЕДОВА.

### ҲАМШИРАЛИКНИ

#### ЎРГАНИШАДИ

ШАҲРИМИЗНИНГ Октябрь райони соғлиқни сақлаш бўлими жамоаси бир қатор ибратли ишлар ташаббускоридир. Улар яна бир ташаббус билан чиқишди. Районнинг «Обод» ва «Гулбозор» маҳаллаларида уйда ўтирган аёллар ва 18 ёшдан катта бўлган қиз-жувонлар учун тиббиёт ўқув курсини ташкил этишди. Бу курсда 40 та ўқувчи кичик тиббий ҳамшира мутахассислиги бўйича таҳсил олиб, беморга қараш, укол қилиш, бошқа бир қанча тиббий ёрдам кўрсатишларни ўрганишади.

— Яқин кунларда ана шу районнинг «Баҳор» ва «Каттабоғ» маҳаллаларида ҳам ана шундай курслар ташкил этиш мўлжалланган, — дейди биз билан суҳбатда Октябрь райони саломатлик маркази бошлиғи Маҳсума Ғафурова.

Дилмурод ОБЛАЕВ.



Пойтахтимиздаги «Чевар» ишлаб чиқариш бирлашмасида тайёрланаётган маҳсулотлар бежиримлиги билан халқимизга манзур бўлаяпти. Корхонанинг 4-филиали ишчиси Саодат Қосимжўжаева

нинг чеварлигини у яшаётган маҳалладагилар ҳавас билан тилга олишади.  
СУРАТДА: моҳир ишчи навбатдаги буюртмани тикаяпти.  
Тўлқин Қаримов сурати.

## ТАРАДДУД

«7-Навбахор» мавзесида анчадан бери клуб ва чойхона қуриш режалаштириб келинади. Яқинда Тошкент шаҳар ижроия кўмитасининг қарори билан шу ҳудуддаги 15 сотих майдон аҳоли ихтиёрига ажратилди.

— Энг муҳими, анчадан бери муаммо бўлиб келаётган бу масала ҳал этилди, — деди мавзе кўмитасининг раиси Асат Раҳимов. — Ҳозирги кунда қурилишни бошлаб юбориш учун таралдууд кўраямиз.

Бозор иқтисодиёти муносабати билан нарх-наволар кўтарилиб, яшаимиз қийинлашиб турган бир пайтда шунга ўхшаш хушxabарлар кишининг кўнглини кўтариб юборар экан. Қувончлисиз шундан, ҳадемай янги бунёд этилган чойхонада отахонлар гурунглашиб, чой-хўрлик қиладилар.

С. БОЗОРБОВ.

## ИЛМГОҲДАГИ МАРКАЗ

ШАҲРИМИЗДАГИ Ушинский номи ўқитувчилар малакасини ошириш ва қайта тайёрлаш Марказий илмгоҳида Ўзбекистон ССР Халқ таълими вазирлигининг Американинг машҳур компьютерлар ишлаб чиқарувчи «Ай-би-эм» фирмасида тайёрланган машиналар билан жиҳозланган янги марказ ташкил қилинди. Ҳорижий фирма маҳсулотлари эса шаҳар мактабларида ўрнатилган бошланди. Ушбу ўқув йили охиригача ўндан зиёд мактабда ана шундай техникадан фойдаланиш имконияти яратилади. Яқинда ма-

шиналар ўрнатилиши мўлжалланган мактабларнинг муаллимлари марказда компьютердан фойдаланиш ҳақида тўла тайёргарликдан ўтишди. Дастлабки компьютер синфи Собир Раҳимов райондаги 234-мактабда ишга туширилади. Бу каби илм даргоҳлари шартли равишда «Қанотли мактаблар» деб аталиб, улар энг замонавий компьютерлар билан жиҳозланади. Келгусида «Ай-би-эм» корхонаси маҳсулотларидан яна 300 таси жумҳуриятимиз мактабларидан ўрин олади. Шундай қилиб халқ таълими даргоҳлари

ҳам жаҳон миқёсида қўлланилаётган ўқитиш воситаларига эга бўлмоқда. Шунинг ҳам айтиш жонзки, компьютер синфлари ҳамма техник талабларга жавоб берадиган ҳамда малакали муаллимларга эга мактабларда ташкил этилади. Илмгоҳдаги марказ эса доимий фаолият кўрсатиб, у ердаги мутахассислар шаҳар ўқитувчиларига ҳамма вақт маслаҳат берадилар. Бундан ташқари марказ шаҳар мактабларидаги янги компьютерларга техник хизмат кўрсатади. Янгилик билан қизиқувчи халқ таълими ходимлари марказда малакаларини оширишлари мумкин.

Бахтиёр ҚАРИМОВ,  
Тошкентдаги 138-мактаб муаллими.

### Истеъмол буюмлари манзурми?

## УЛУШЛАРИ КАТТА БЎЛМОҚДА

«УЧҚУН» тўқимачилик ва атторчилик ишлаб чиқариш бирлашмаси асосий эътиборни ишлаб чиқариш ускуналари янгилашга қаратди. Корхонада техникани такомиллаштириш учун кейинги йилларда 2 миллион сўмдан ортиқ маблағ сарфланди. Цехларда янги-янги поток линиялар, замонавий мойлаш, қуриш, қирқиб, гул босиш мосламалари ўрнатилди. Бу ишлаб чиқаришнинг унумли, сифатли, кам шовқинли иш қуроллари хорижий мамлакатлардан келтирилди. Қилинган харажатлар тез орада ўзини оқлади.

Бирлашмада ишлаб чиқарилаётган 75 хилдан ортиқ кенг истеъмол буюмлари ўзининг сифатлилиги билан ажралиб туради. Хотин-қизлар учун турли рўмоллар, сочиқлар шулар жумласидандир.

Корхона ишчи ва хизматчилари бу йилнинг дастлабки ойларини ҳам муваффақиятли бошлашди. Жамоа ҳозирги хом ашёнинг тақчиллигига қарамай, ўзларидаги бор имкониятларни ишга солиб шу йилнинг биринчи чораги режаларини ошириб бажардилар. Натижада

шу уч ой ичида режага қўшимча 400 минг сўмлик халқ истеъмол буюмлари ишлаб чиқарилди. Бу зафарларга эришишда яхши кўрсаткичларга эришиб ишлаётган рўмолларга гул босиш машъалларидан Муборак Самигжонов, Раъно Жаломуддинова, Мунаввар Сапаева, Шонра Сулаймонова, Қарима Пулатова қабиларни кўрсатиш мумкин. Шунингдек, ёшларга устозлик қилиб келаётган, чорак асрдан бери шу касбни ардоқлаётган Нафиса Юлварсхўжаева, Ойдин Жабборова каби мураббийларнинг жамоа ютуқларида улушлари катта бўлмоқда.

Саъдулла СУЛТОНОВ.

## Тошкент шаҳар Кенгаши доимий комиссияларида

### ХАЙРЛИ ИШЛАР

Маҳалла, уй кўмиталари ва жамоатчилик билан ишлаш доимий комиссияси 1991 йил, биринчи чорак режасига кўра талайгина вазифаларни амалга оширди. Маҳаллаларда СССР Референдумига тайёргарлик кўриш ва аҳоли орасида тушунтириш олиб боришда айниқса комиссия аъзоларининг қўшган ҳиссаси катта бўлди. Шу давр мобайнида жумҳурият ва шаҳар меҳр-шафқат жамғармалари ҳамкорлигида кўплаб жамоаларга хайрия ёрдамлари уюштирилди. Масалан, Наврўз байрами арафасида Октябрь, С. Раҳимов, А. Икромов ва бошқа

районлардаги маҳаллаларга бир қопдан гуруч, ун, 10 килограмм ёғ, 2 килограмм чой, 30—40 килограммдан гўшт улашиб чиқилди.

Доимий комиссиянинг навбатдаги йигилишида комиссия раиси Шукр Темуров ана шулар ҳамда иш режаси бўйича қўлга киритилган бошқа ютуқ ва камчиликлар ҳақида гапирди. Кун тартибдаги яна бир масала — маҳалла кўмиталари Низомининг бажарилиши юзасидан ҳам қимматли фикрлар билдирилди. Комиссия аъзоси Кабир Комилов бу ҳужжатнинг ҳуқуқий теъдилла-

рини кўмиталарга атрофлича тушунтириб бериш зарурлигини айтиб ўтди.

Йигилишда шунингдек, Тошкент шаҳар Кенгашининг сентябрь ойидаги сессиясида комиссия ҳисоботининг эшитилиши ва бунга қизғин тайёргарлик кўриш, Ўзбекистон телевидениеси қошида «Маҳалладош» телекўрсатувини ташкил этиш масалалари муҳокама этилди. Холида Қодирова, Неъмат Ҳасанов ва бошқа ўртоқлар ўз фикр-мулоҳазаларини билдирдилар.

Саъдулла ШОДИЕВ.



Иссиқ тандир нонини нонуштага тортиқ этишга нима етсин! Дастурхонимизни тўқни қилаётган қўли гул новвойларимизга ҳорманг энди, дегнимиз келади.



Анъаналар—халқ мулки

# УСТА ШИРИНЛИКЛАР ТАШАББУСИ

ЖУМҲУРИЯТИМИЗДА Наврӯз тантаналари бир ойдан буён давом этиб келмоқда. Бу йилги Наврӯз айниқса ўзгача тароватга эга бўлмоқда. Уста Ширин маҳалласида куни-кеча ўтказилган бу байрамга эл ҳашари — меҳнат байрами уланиб кетди. Маҳалла чойхонасининг ҳовлисига 300-400 киши жо бўладиган жой тайёрланиб, унга маҳалла аҳлидан ташқари қўшни маҳаллалардан ҳам меҳмонлар, табаррук отахонлар, онахонлар ҳам таклиф этилдилар. Оппоқ дастурхонларни кўк сомсалар, чучвараю турли-туман пишириқлар тўлдирган. Ҳозиргина тандирдан узилган бўрсилдоқ нонлар ҳиди димоғларга урилиб, хуш ёқади. Нуроний кексалар, меҳнат оқсоқоллари даврада файз тўкиб ўтиришибди. Эл эъзозини қозонган хонанда Нуриддин Ҳамроқулов кўшиққа кўшиқ улаб, даврага файз киритиб турибди. Киров район партия кўмитасининг биринчи котиби Рустам Калонов йиғилганларни муборакбод этиб, ҳаммага баҳор кайфияти тилади. Қозғистон ва Урта Осиё мусулмонлари диний бошқармасининг раиси муфтий Муҳаммад Содиқ Муҳаммад Юсуф бу кўш байрамнинг туб моҳияти ҳақида маълумот берди.

Йиғилиш тантаналари узоқ давом этди. Лирик хонандалар Матназар Худойназаров, Равадан Аҳмедов, Шероз Исмоловнинг хонишлари кўпчиликини хушнуд этди. Дастурхонга тортилган машҳур ошпаз Эргашхўжа Нажимхўжаев тайёрлаган ҳалим барчани манзур қилди.

Киров районидаги бу маҳаллани қадимда Кўрхўжа ота мавзеси деб аташарди. Кейинроқ бу мавзе иккига бўлиниб, «Кисловодск — 1» ва «Кисловодск — 2» маҳаллалари деб атала бошлади. Нега шундай номланганини мен ҳамон тушунолмайман. Ниҳоят «Кисловодск — 1» маҳалласи раиси Тоживой ака Исҳоқов ташаббуси билан маҳаллага Уста Ширин номи берилди. Нақадар савобли ва хайрли бу ишни бутун маҳалла аҳли самимий ва мамнуният билан қарши олди. Маҳалла ҳудудида Тошкент шаҳар маиший хизмат идорасига қарашли кўш қаватли шинам бино бор эди. Елиб-югурилар орқали бу жой 5-болалар поликлиникасига қарашли 3-филиал бўлди. Ҳозир бу тиббиёт муассасасида ҳар куни 40-50 болага тиббий ёрдам кўрсатилмоқда.

Уста Ширин шаҳримиздаги ибратли маҳаллалардан бирига айлиб бормоқда. Маҳалла тўлиқ радиоллаштирилди. Маҳалланинг хайрли ишларидан яна бири, шу жойда яшаб ижод этган, элимиз эъзозиде бўлган бастакор, олим, ўқитувчилар номини мангулаштириш бўлди. Толипонов кўчаси ўзгартирилиб, бастакор Дони Зокиров номи берилди. 1-Кутузов кўчаси эса маҳаллада яшаган машҳур олим, профессор Абдулла Зоҳидов номи билан атала бошланди. 2-Кутузов кўчаси бўлса СССР халқ маорифи аълочилиси, Ўзбекистон ССРда хизмат кўрсатган ўқитувчи Ҳабиба Юсупова номини олди.

Иккинчи жаҳон урушида қатнашган маҳалла ватанпарварларига атаб улкан ёдгорлик ҳам очилди. Ёдгорлик пойига ҳар куни кашшофлар, комсомол-ёшлар гулдасталар қўядилар. Уста Ширин маҳалласи кундан-кунга обод бўлиб бормоқда. Куни-кеча бўлиб ўтган эл ҳашари кунда маҳалла кўчалари, ариқлари тозаланди. 500 туп гул кўчати ўтказилди.

...Бугун тонгда маҳалла аҳлини яна қарнай-сурнай садолари уйғотди. Уста Ширин маҳалласида тўй. Кекса ишчи неварасига ош бермоқда.

Азизлар, тўйга, ошга марҳамат!

Тўлқин ИМОМХУЖАЕВ.



© СУРАТЛАРДА: маҳаллада ўтказилган тадбирдан лавҳалар. Даврон Аҳмедов суратлари.

## Сўраган ЭДИНГИЗ ТУРАР ЖОЙ ОЛМОҚЧИ ЭДИК...

**Р. ҲАМИДХУЖАЕВ:** Оиламиз давлат уйида истиқомат қилса, уни сотиб олишга ҳақлимизми?

**ЖАВОБ:** СССР Вазирлар Кенгаши 1989 йил 2 декабрдаги қарори билан халқ депутатлари маҳаллий Кенгашлари ижроия кўмиталарига, корхоналарга давлат ва жамоат фондларига қарашли уйларида истиқомат қилувчи фуқароларга квартираларни сотиш ҳуқуқи берилган. Бунинг учун квартиралар олиш тартибига тўлиқ риоя қилинган, яъни уйни ёловчи турар жой шароитини яхшилашга муҳтож бўлиши керак.

**М. СУРЪАТОВА:** Мен бир неча касалликлар туфайли жисмоний меҳнат қилиш қобилиятимни йўқотганман. Ногиронлик пенсияси олиш арафасидаман. Айтингни, шундай вазиятда мен биринчи навбатда турар жой олиш ҳуқуқидан фойдаланишим мумкинми?

**ЖАВОБ:** Турар жойни биринчи навбатда олиш ҳуқуқини берувчи касалликлар рўйхати СССР Соғлиқни сақлаш вазирлигининг 1983 йил, 28 мартдаги 330-сонли қарори билан тасдиқланган. Шундай ҳуқуқ беморнинг турар жойи ёки иш жойидаги врачлик консултация комиссиялари (ВКК) томонидан берилди.

Демак, сизнинг ҳасталигингиз рўйхат талабларига жавоб берса турар жой шароитингизни биринчи навбатда яхшилашга имкон бўлади.

**Абдужалил ҲАСАНОВ,** ҳуқуқшунос.

ОЧИҒИ, оддий бир қаламқаш сифатида маҳалла муаммолари ҳақида бир неча йиллардан бери ўзимча турли фикрлар юритар, узоқ ўйларга чўмар эдим. Айрим фикрлар анчадан бери тинчлик бермасди. Бугун эса... таваккал қилиб, шу кунгача пишиб етилган фикр-мушоҳадаларимни қаламга олишга жазм этдим.

Келинг, аввал маҳалла кўмитаси идораси, ходимлари ҳақида фикр юритайлик. Улар ким ва нималарга қодир? Бурч ва масъулиятлари нималардан иборат?

Менимча кўпроқ ижроия кўмителарининг кўрсатма ва қарорлари асосида ишлайдилар (Агар «ишлай-

Учинчидан, турли маросимларда иштирок этадиган созандаю хонандаларни, дастурхончи, ошпазу пазандаларни оталиқларига оладилар.

Тўртинчидан, ушбу маросимларнинг кўнгилдагидек ва бекаму кўст ўтказилишини таъминлаш учун стол-стул, чойнак-пиёла, қозон-товоқ ва бошқа зарур ашёлар билан таъминлайдилар (булар учун алоҳида бой оғборларига эга бўлишлари лозим).

Бешинчидан, миллий байрамлар ва фавақулдада йиғинларнинг мазмуни ва тантанали ўтиши учун бор масъулиятни зиммаларига оладилар.

Олтинчидан, маҳалланинг тинчлигини, саранжом-сарийшталигини, кўча ва йўлакларнинг тозаллигини қатъий назоратларига оладилар (автодор-мехбаза билан албатта шартнома тузиб олишлари керак).

Еттинчидан, фалокат ва бирор ёнғин рўй берганда улар алоҳида жонбозлик кўрсатишлари зарур (ўт ўчириш бригадаси ва қурувчилар гуруҳларига эга бўлишлари лозим).

Тўғри, баъзи маҳалла фаоллари учун бу таклиф ва истакларим янгилик эмасдир, шундай ташаббусларни қўлга олган жонқуярлар ҳам бордир. Аммо бошқалар учун... Очиғини айтиш керак, баъзи маҳалла кўмитаси раислари юқорида таъкидлаганимдек, хўжақўрсингагина сайланган. Шундайлари ҳам борки, ўз ишига бефарқ, масъулият билан ёндошмайдилар. Бунинг яна бир сабаби ҳам бор, бу — хизматлари эвазига маош билан таъминланмасликларидир. (Ҳозирги олаётган маошни маош дейиш мумкин эмас). Шунинг учун ҳам истардимки, кўмита раисини доимо кўпни кўрган кексалардан тайинлайвермасдан, балки сиқидилдан ишлайдиган, елиб-югуриб чарчамайдиган аниқ бир мутахассислик эгаси бўлган ёшлардан сайлансин дейман.

Иқтисодчи, математик, журналист бўлса нур устига нур! Кексалардан эса йўл-йўриқ кўрсатадиган, раисга маслаҳат бериб турадиган оқсоқоллар кенгаши тузиш лозим. Имконият бўлса, уларга ҳам ҳақ тайин этиш мумкин.

Мен кўнглимдаги гапларингизга айтдим, холос. Мушоҳада қилиб, бир хулоса чиқариш маҳалла оқсоқоллари, раислари, фаоллари, қолаверса, сиз муштарийлар ҳукмига ҳавола. Яна бир бор таъкидлагим келади, маҳалла кўмитаси хўжақўрсинга фаолият кўрсатадиган, кўрсатма ва қарорлар ботқоғига ботган, фақатгина аҳолига турар еридан маълумотнома ёзиб берадиган идора бўлибгина қолмай, маҳалла аҳлининг энг яқин дастёри — мустақил иш юритадиган маҳкама бўлиб қолиши керак. Шундагина маҳалла кўмитаси ўз обрўсига, ҳақ-ҳуқуқига эга бўлади.

Зояр ЗИЁ,  
журналист.

### Кўпнинг кенгашига

## МУСТАҚИЛ МАҲКАМА БЎЛСИН

дилар» сўзини тўғри қўллаган бўлсам). Бироқ бу кўрсатма ва қарорлар кўпича идораларда бир безак вазифасини ўтайди, холос. Чунки маҳалла аҳлига бу фармонларни жорий қилиш ҳамиша ҳам тўғри келавермайди. Аҳолига жонли ташаббуслар керак. Яъни, кишиларнинг оғирини енгил қиладиган, тотув ва иноқлигини, тинчлигини сақлайдиган, айти замонда уларни бир-бирларига қўшадиган одил ва зукко кўмита керак. Мен бу ўринда нафақа олувчи кексаларнигина назарда тутаятганим йўқ, оқсоқолликка серғайрат, жонқуяр, ташаббухкор ёшларни ҳам жалб этиш керак.

Шу ўринда табиийки, савол туғилади: «Хўш, бундай кўмита фаоллари кун бўйи нима иш билан шуғулланадилар?»

Йўқ. Кўмита жамоаси энг муҳим ишлар билан машғул бўлади. Келинг, тахминан мана шундай юмушларни белгилайлик:

Биринчидан, аҳолининг тўю тантана, маъракаси ва бошқа шахсий юмушлари учун истаган автокорхоналар билан шартнома тузиб олган ҳолда автотранспорт билан (автобус, юк машинаси, енгил машина) таъминлайдилар.

Иккинчидан, тўй ва маърака савобли дастурхонга тортилажак озиқ-овқат, мева-сабзавот, турли хил ичимликлар ва ҳоказолар билан аҳолини таъмин этадилар.

МЕНИ кўпдан бери Беруний кўчасидаги «Ўқитувчилар дам олиш уйи» бекатининг номи қизиқтириб келарди. Чунки бу дам олиш уйи «собиқ» бўлиб кетганига анча вақт ўтишига қарамай ҳамон шу ном билан аталиб келинади.

Шу саволга жавоб излаб шаҳримизнинг ушбу тарихий жойидан ягона ёдгорлик бўлиб қолган қариялар чойхонасига ташриф буюриб, нуронийлар билан суҳбатлашдик.

**А. Қодирий** номли маҳалла ҳудудида жойлашган Блок «Ж» уйининг раиси Ғайрат Шоқурбонов:

«Ўқитувчилар дам олиш уйи»нинг тарихи анча узоқ. У 1936 йили халқ маорифи комиссарлиги томонидан ташкил қилинганди. Аслида бу жойлар аввал «Қўрғонтепа» маҳалласига кирарди. Ачинарли жойи шундаки, шундай обод маҳалла бузилиб ўрнига осмонўпар кўп қаватли бинолар қурилди. Ҳозир бу маҳалладан саноқли кишиларгина қолган.

Уша собиқ дам олиш уйи илгари Мадаминбек деган бойнинг ички ва ташқи ҳовлиси бўлган. Ажойиб боғ ва ҳовузи бўларди, боғда нок, узум, тут ва бошқа мевали дарахтлар шигил мева тугарди. Жумҳуриятимизнинг турли вилоятларидан муаллимлар келиб (беш юздан ортиқ) бу ерда дам олиб кетишарди. Фақат муаллимлар дам олибгина қолмай, бошқа кишилар ҳам бу ерда ҳордиқ чиқаришарди. 1952 йили дам олиш

уйи анча кенгайтирилиб, жумҳуриятимиздаги энг сўлим оромгоҳлардан бирига айланди.

Ҳозирги катта йўл тушиши муносабати билан боғнинг бир томони бузилди. 1968 йилга келиб эса кимнингдир

### Ечимини кутаётган муаммолар

## УМИДЛАР РЎЁБГА ЧИҚАРМИКАН?

буйруғи билан бу оромгоҳ умуман тугатилди. Ўрнига эса сил касалликлари санаторийси (ўша йилдан то 1980 йилгача) жойлаштирилди. Сўнгра у ҳам кўчирилдию, 1983 йилгача тери касалликлари диспансери фаолият кўрсатди. Кейинчалик кўп қаватли уйлар қурилиши муносабати билан санаторий ҳам кўчирилди, боғлар ва дам олиш уйи батамом бузиб ташланди. Ўрнига эса яна бир давлат ташкилотининг дам олиш оромгоҳи 1990 йили ишга туширилди. Лекин шу атрофда яшайдиган аҳоли учун тузукроқ кўп тармоқли поликлиника йўқ. Агар шу

бино кўп тармоқли поликлиникага айлантирилса бутун аҳоли шод бўларди.

**Сандазим Абдужаббор** ўғли, қариялар чойхонасининг чойхоначиси:

«Биз, шу ерда ўтирган қариялар Ғайрат ақанинг гапларини қўллаб-қувватлаб шуни қўшимча қилмоқчимизки ҳақиқатан ҳам бу атрофда бизга хизмат кўрсатадиган, барча талабларга жавоб бера оладиган тузукроқ поликлиника йўқ. «Ғунча» кинотеатри рўпарасидаги 9 қаватли уйнинг 1-қаватида 4-поликлиниканинг филиали бизга хизмат кўрсатади. Лекин бу поликлиника ҳозирги замон талабларига мутлақо жавоб бермайди, хоналари тор, бир неча тиббиёт ходимлари ишлайди, холос.

Бизнинг илтимосимиз шуки, мана шу дам олиш уйини кўп тармоқли поликлиникага айлантиришса, хароб бўлиб ётган бўш жойларга ниҳоллар экилса (гарчи илгариги обод ҳолига қайтмаса ҳам), биз қариялар поликлиникага деб сарсон-саргардон бўлиб қаёқларга бориб юрмасак жуда хайрли иш бўларди.

Ҳақиқатан ҳам бу фикрларда жон бор. Қарияларимиз юқоридаги таклифлари билан баъзи жойларга мурожаат ҳам қилишган экан. Лекин масала ижобий ҳал бўлмаган кўринади. Балки аҳоли талабини биргаликда адолатли ҳал қилиш керакдир.

Иззат АҲМЕДОВ.

# УЗВИЙ АЛОҚАДА

ҲОЗИРДА ўсмирлар ўртасида тартиббузарлик, жиноятчилик ҳолларининг кўп учраётгани кўпчиликка маълум. Бинобарин, бу ҳолининг олдини олиш учун ўсмирларнинг бўш вақтларини мазмунли ташкил этиш, уларни фойдали меҳнатга жалб этиш борасида шахримизнинг кўпгина мактабларида, ўқув-тарбия муассасаларида бир қатор ибратли ишлар амалга оширилмоқда.

Яқинда шахримизнинг Фрунзе районидagi Қушбеги маззеси маҳалла кўмитаси ҳамда 127-мактаб педагогик жамоаси биргаликда ўтказган ҳуқуқ-тартибот мавзусидаги «Ўсмир ва қонун» деб номланган тадбир ҳам фикримизнинг ёрқин далилидир.

Мазкур учрашувга таклиф этилган республика Ички ишлар вазирлигига қарашли профилатика хизмати бошқармасининг балоғатга етмаган ёшлар иши билан шуғулланувчи бўлими инспектори Абдулаттар Қоҳқоров ёшлар ва ўсмирларнинг ҳуқуқий тарбияси, қонунбузарлик ҳамда бугунги ўсмирлар тарбияси борасида мактаб педагоглар жамоаси, маҳалла кўмиталари ва ота-оналар зиммасидаги вазифалар нималардан иборат эканлиги хусусида йиғилганларга батафсил сўзлаб берди.

— Халқимизнинг бола бошидан деган нақлига кўра, — деди у, — ҳозирда ўсмирнинг ахлоқий тарбиясини унинг кичиклигидан бошлаш, унга ота-оналар ҳамда мактаб жамоатчилиги биргаликда аҳамият бериб, энг муҳими ўсмир болаларни ўқишдан бўш вақтларида назоратсиз қолдирмаслик, уларни фойдали меҳнатга жалб қилиш зарур. Негаки катталар назоратсиз қолган ўсмирнинг кўнглига келган иш билан шуғулланиши ёки бутунлай бекорчилик билан қимматли вақтини ўтказиши табиий ҳол. Бекорчи-

ликдан эса, ҳозирги кунда ёшлар ва ўсмирлар ўртасида турли бемаъниликлар, тартиббузарликлар келиб чиқмоқда. Бу ҳол айниқса кўп қаватли уйларда, яққолроқ кўзга ташланади. Шу ўринда яна мактаб педагогик жамоасининг ҳам ўсмир тарбияси борасидаги муҳим роли ҳақида тўхталиш жоиз. Яъни, улар ота-оналарнинг уззукун ишда бўлиши сабабли ўқувчининг ўқишдан кейинги фаолияти билан ҳам қизиқишлари зарур. Учрашувда шунингдек, 127-мактаб педагогик жамоаси ҳамда мактаб ота-оналар комитети аъзолари ҳам сўзга чиқишиб, мактабдаги бугунги аҳвол яъни, 1100 ўринли мактаб биносида ҳозирда 2100 ўқувчи таълим олаётгани, ўзбек ва рус тилларида дарс олиб бориладиган ўшбу мактабнинг ҳар бир синфида ҳозирда 40 дан зиёд ўқувчи ўқитилаётгани, бу эса ўз-ўзидан мактабдаги ўқувчиларнинг билим савиясига ва ахлоқий тарбиясига ҳам салбий таъсир этаётгани хусусида гапиришди ва бу йил ҳам яна сентябрь ойида 1-синфга юзга яқин ўқувчи қабул қилиш мўлжалланаётгани ҳақида тўхталишди. Лекин уларга кўшимча мактаб биноси йўқлиги тўғрисида ота-оналар ва ўқитувчилар Қушбеги маззеси учун кўшимча янги мактаб биноси куриш зарурлигини яна бир бор таъкидлашди.

— Маҳалламиз асосан кўп қаватли уйларда яшовчи аҳолидан ташкил топгани учун ҳам балоғатга етмаган ёш ўсмирларнинг ахлоқий тарбияси мураккаб масалага айланиб қолгани сир эмас, — дейди биз билан суҳбатда маззенинг квартал кўмитаси раиси Бахтиёр Жўраев. — Шунга кўра биз мактаб педагогик жамоаси билан биргаликда ўсмир болаларнинг ҳуқуқий тарбияси мавзусида ана шундай учрашувларни муттасил ўтказиб туришни ҳамда мавзуда истиқомат қилувчи ўсмир ёшидаги болаларни назорат остига олиб, уларнинг ахлоқий тарбиясини йўлга қўйишни мўлжаллаганмиз. Мактаб билан маҳалла узвий алоқа боғлаб иш олиб бурса, шубҳасиз яхши натижага эришиш мумкин.

Зулфия ДУСМУҲАМЕДОВА.

ЭРТА тонгданоқ карнай-сурнай наволари остида барча маҳалла аҳли, агрофдаги қўшни маҳаллалардан таклиф этилган меҳмонлар марказдаги болалар хибонага йиғила бошлади. Наврўз айёмига бағишланган кечани «Қизил дехқон» маҳалла кўмитасининг раиси Нурмухаммат Абзалов очиб, барчани байрам билан қутлади. Шундан сўнг Голландияда ўтказилган ёш ижро-

## ОЛҚИШ СЕНГА, ФАСЛЛАР НАҚШИ

чилар танловининг совриндори — 273-мактаб ўқувчилари концерт намойиш этишди.

Ойбек номли Ўзбекистон ССР халқлари тарихи музейининг катта илмий ҳодими, Ўзбекистон ССР 50 йиллиги маҳалла кўмитасининг раиси Эгамназар ўғли Қодиров эса Наврўз тарихидан лавҳалар ҳикоя қилди.

Тантанана Тошкент шаҳар маҳаллалар иштини мувофиқлаштириш Кенгаши раиси, Ўзбекистон ССРда хизмат кўрсатган фан арбоби Қодирхўжа Фозилхўжаев, маҳалла хотин-қизлар Кенгашининг раиси Мавзуда Исмамова, маҳалла кўмитасининг аъзоси Мирзааҳмад Ҳамидов ва бошқалар ҳам сўзга чиқиб, дил истакларини билдиришди.

Кеча давомида куйқўшиқлар янграб турди. Наврўз дастурхонига сумалак, палов тортилди.

Шухрат САЪДИЕВ.



## УСТОЗЛАР ЁДИ

АКМАЛ Икромов районидagi Аббор Ҳидоятлов номли маҳаллада жойлашган Ойдин Собирова номли 106-мактабни битириб чиққанларнинг кўпчилиги ўзларига билим ва тарбия берган ўқув даргоҳидан алоқаларини узмай келишмоқда. Яқинда бундан 20 йил муқаддам ўшбу мактабни битирган ўқувчилардан бир гуруҳининг қадрдон ўқитувчилари билан учрашув ва оламдан ўтган устозлари ҳурмати ва ёдига бағишланган хотира кечаси бўлиб ўтди.

Кечани очган мактаб партия ташкилотининг секретари Отаулла Исахонов бундан қарийб чорак аср муқаддам илк бор эшигини ўқувчиларга кенг очган бу билим масканда ишлаган ва ёш авлодга таълим-тарбия беришда катта жонбозлик кўрсатган марҳум ўқитувчилар — мактабнинг собиқ директори, жумҳуриятда хизмат кўрсатган ўқитувчи Қутбиддин Илёсов, Дармоной Ражабова, Вали Мақсудов, Полина Давидовна Клейнер, Афғонистондаги бемаъни урушда ҳалок бўлган жангчи Қобил Алибердиев ва бошқалар номини чуқур ҳурмат билан эслаб ўтди.

— Биз ўшбу мактабнинг дастлабки ўқувчиларидан эдик, — деди хайрли тадбир ташаббускорларидан бири, Тошкентдаги 1-таксопарк ҳайдовчиси Баҳодир Ҳамидов. — Ўқув машғулотлари бошлангандан кейин биз дарслардан сўнг қолиб мактаб ҳовлисини қурувчилар қолдирган ахлат ва тошлардан тозалардик. Шунда ҳурматли ўқитувчиларимиз Қутбиддин ака Илёсов, Шарифа опа Саидқосимова: болаларим, яхшилаб тозаланглар. Бу ерда яхши боғ яратамиз. Мевасидан ўзинглар ҳам, фарзандларингиз ҳам баҳраманд бўладилар, дея рағбатлантиришарди. Биз мактаб ҳовлисида тош терган бўлсак, фарзандларимиз мева теришмоқда. Узимиз нафақат мевасидан, балки устозларимиз берган билим ва тарбия мевасидан ҳам баҳраманд бўлмоқдамиз.

Дарҳақиқат, бундан 20 йил аввал мактабни битирганлар бугунги кунда нафақат Тошкентда, жумҳуриятнинг узоқ вилоятларида ҳам ҳалол меҳнат қилишмоқда. Масалан, Жамолддин Раҳимов, Ҳабибулло Умаров, Собиржон Охунжонов пойтахтимизда турли соҳаларда меҳнат қилишаётган бўлишса, майор Зикрилла Жўраев Қашқадарё вилояти ҳарбий комиссарининг ўринбосари, милиция капитани Илёс Ғиёсов эса пойтахт вилояти, Калинин ноҳияси ички ишлар бошқармасида ишлашмоқда.


Мактабни битиргандан буён билим масканидан ҳам, ўзаро алоқаларни ҳам узмай келаётган бу собиқ ўқувчилар ўзларининг устозлари билан бирга учрашув ва хотира кечасини юксак савидада ўтказдилар. Эртасига эрталаб эса мактаб жамоасига, маҳалла аҳолисига Наврўзнинг анъанавий таомларидан ҳалим оши тарқатилди. Энг ибратли ва маътовли томони шундаки, бу хайрли тадбирнинг ҳаммасини ўтказиш билан боғлиқ бўлган барча сарф-харажатлар мактабнинг ўша собиқ ўқувчилари ҳисобидан бўлди.

Учрашув-хотира кечаси бадиий қисмининг мароғли ўтишида Ўзбекистон ССР халқ артисти Нуриддин Ҳамроқулов, Аббор Ҳидоятлов номли драма театрининг бир гуруҳ актёрлари, бошқа лирик ховандаларнинг ҳиссаси катта бўлди.

Абдураим ОТАМЕТОВ.



●СУРАТЛАРДА: маросимдан лавҳалар. Даврон Аҳмедов суратлари.



## «ДОНИШМАНД»НИНГ ДОНИШМАНДЛАРИ

Ҳар бир ишнинг ўз режаси бўлади. У амалга оширилиши зарур ва мумкин бўлганидагина ҳақиқатга айланади, бажарилади.

Ҳамза районидagi «Донишманд» маҳалласи кўмитаси томонидан қабул қилинган режалар ҳозирги куннинг амалий иш дастури бўлиб хизмат қилмоқда. Район Кенгашининг депутати Карим ака Ғафуров бошлиқ оқсоқоллар ташаббуси билан сўнгги икки йил ичида маҳалламиздаги корхоналарга бориб ишлаш ижтимоиятига эга бўлмаган хотин-қиз-

ларни иш билан таъминлаш мақсадида «Меҳнат» тикувчилик фирмасига қарашли тикувчилик бўлими ташкил қилиниб етмишдан ортиқ аёллар иш билан таъминланди.

«Ота Мозор» қабристонини томон бориладиган янги йўл қурилиши ишлари ҳам ҳашар йўли билан амалга оширилди. Унинг учдан бир қисми тўла битказилиб, ҳозир серқатнов масканга айланди. Режаларимиз фақат талаб қилиш эмас, балки халқ манфаати учун ташаббускор, фидойи бўлишга

чақиради. Сиз суратда кўриб турган ҳашарчи оқсоқоллар пенсионерлардан иборат бўлиб, ҳамон масъул ишларда, маҳалламиздаги ободонлаштириш, тарбиявий-ташқилий, хўжалик ишларининг ташаббускорлари ҳисобланади. Улардан Шамси ота 87 ёшда, Карим ота 75 ёшда, Иброҳим ота 84 ёшда. Бу отахонларимизнинг соғ ва омон юришлари бизлар учун фахрдир.

Руҳилла НАЖИМОВ,  
«Донишманд» маҳалласи кўмитасининг раиси.

ҲОЗИР пўстак ҳақида гапирсан қизиқ туюлса керак. Сабоби, маданиятимиз анча ривожланган. Эндиликда кўп хонадонларда пўстан кўрмаймиз. Мол териси қабул қилувчи алоҳида дўнонлар бўлишига қарамай, баъзи кишилар «Овора бўлиб нима қиламан, арзимайди» деб, терини ташлаб юборишяпти. Шундай дамларда пўстан қадрига негадир етмаётганимиз ҳақида ўйга толаман.

— Отам раҳматлик қас-соб эдилар, — дейди саксон ёшдан ошган Моҳина буви. — Қўй, эчки, қорамол терисини олиб келиб ошлардилар. Жувларини тозалала, ювиб-тараб, четларини текислаб, жияк тикиб, худди кўрпача ҳолига келтириб, сандал агрофига солиб кўярдик. Тикувчиларга буюртма бериб, онла аъзоларимиз билан нимча ҳам тиктирганимиз. Отам доимо «Зах ўтмайди, қовуқ ва белни маҳкам тутайди, пўстак-кўрпачадан солаверинглр» — дердилар.

— Эндиликда электр ва газ печалар бор, ҳамма уйлар полли. Илгари буви-ларимиз зах ўтмасин деб, пўстак, бўйра, бордон-чийлардан фойдаланишган. — суҳбатга қўшилди у кишининг синглиси Зубайра ая.

— Билган одамга пўстан ҳозир ҳам жоннинг роҳати. Бу гапларда жон бор. Ахир, аждодларимизни соғ-саломат сақлаб келган шу нарса эмасми? Фаровон за-

## Унутилаётган меросимиз

### ҲАМ ЖҶН, ҲАМ БЕМИННАТ

мон бўлгунга қадар ҳар бир хонадонда тўшалмалар бўларди. Уларни тақир ерга тўшаб, маҳалладошларимиз турли юмушларни бажаришган. Ҳатто, терилардан чорик-оёқ кийими, бош кийим, уст-бошлар тикилганлиги маълум.

Чинозлик богбон Ақром ота пўстанки жуда кадрлардилар. Бундан зах ўтмайди, деб доим ўзлари билан олиб юрар. дам олмоқчи бўлганда унинг устига ўтирадилар. Сира дард кўрмай, саксон тўрт ёшларида вафот этдилар.

Менимча, ҳаёт машаққатини бошидан кечирган катталарнинг ҳаётини тажрибасидан келиб чиқиб, биринчи навбатда саломатлигимизни ўйлашимиз лозим.

Ҳозир баҳор, ҳали ердан зах кўтарилгани йўқ. Далада ишлаётган миришкор деҳқонларимиз бироз ўтириб нафас ростлаши учун пўстак зарур. Баъзилар эса терига ишлов бериб, оёқларига этик, эгни-ларига пўстин, бошларига тумоқ кийиб олишади. Масалан, Қашқадарё вилояти, Деҳқонобод районидagi чўпонлар шундай яшашади. Ҳар қандай изғирин, совуқ ва захни мол терисидан тикилган ана шу кийимлар сақларкан. Қампч урувчилар эса, илгари оёқ кийимлари устидан от терисидан қоплаб ишлаганлар.

Утмишда кўнчи, елимчилар бўлиб, улар терини исроф қилишмаган. Кўнчилар пиширган теридан эгар-жабдуқлар, этик, маҳси, шиппачориқлар тайёрланган. Шунингдек, китоб муқовалари, жилдлар тикилиб, унга турли ҳусниҳатлар ёзилган.

Бу меросимиз ҳақида ҳар қанча гапирсак ҳам озлик қилади.

Маҳмуд РАМАЗОНОВ.



«Қани бир кўрайликчи!»

Тулқин Каримов сурат-лавҳаси.

РАЙОН халқ судида ўн йил бирга яшаб, фарзанд кўриб, яхши-ёмон кунларни бирга ўтказган ва тўсатдан ажралиш кетган собиқ эр-хотинларнинг уй талаш-мунозарасида гувоҳ тарқасида қатнашишга тўғри келди. Ҳакамлар ҳайъати чиқарган ҳукмдан кейин бехитёр қўлимга қалам олишга мажбур бўлдим.

Ҳукм тўғрисида кейинроқ тўхталиб ўтмоқчиман. Аввало ҳар бир маҳалла, ҳар бир мазеда бўлиши мумкин бўлган ноҳуш воқеани бир чеккадан, тафсилотлари билан баён қилай.

Нима бўлди-ю, бир қориндан талашиб тушган ака-ука — Акбар билан Асқар (маълум сабабларга кўра уларнинг исмлари ўзгаририлди) жанжаллашиб қолдилар. Мастилик устида Акбар акасига пичоқ уриб қўйди. Ака шифохонага бормай жон берди. Акбар қанчалик пушаймон бўлмасин ва тавбасига таянмасин бўлар иш бўлган эди. У қилмишига яраша жазоланиб озоликдан маҳрум қилинди.

Бир йўла икки фарзандидан айрилган Лутфи ая ўйлаб-ўйлаб ич-этини еди, тунарни уйқусиз ўтказди. Еб-ичишида, ётиш-туришида ҳаловат йўқолди. Оғир жудолик охирги ўз таъсирини кўрсатди. Муштилар она руҳий касалликлар шифохонасида даволениб чиқди.

Бу орада вақт ҳам ўтиб, Акбар қамоқ муддатини тамомлаб, қайтиб келди. Қариндош-уруғлар ўртага тушиб, уни ёши ўтиб қолган қизга уйлантириб қўйишди. Эски шаҳарда ўз ҳовлилари бўлгани учун келин бўлиши Азизага Лутфи ая кўп ташвиш ортиргани йўқ.

Орадан кунлар ўтди. Бахтга қарши Акбарларнинг уйи бузилди деган бўлиб қолиб, ижрокўмдегилар унга шаҳарнинг турли жойларидан 4 хонали уй таклиф қилишди. Лекин қайнотаси «Уч хонали бўлса ҳам божангиз ва бизларга яқин «Қорасув» даҳасидан олаверинг. Тез-тез борди-келди қилиб, бир-биримиздан хабар олиб турамыз», деб Акбарни кўндирди.

3 йилдирки улар давлат берган 3 хонали уйда истиқомат қилишарди. Илгари ҳовлида Азизага қайнонасининг бор-йўқлиги унча сезилмасди.

Энди тор жойда кўзига балодай кўрина бошлади. Унинг ҳар бир гапи, юриш-туриши, еб-ичиши, умуман иссиқ-совуғига қараш оғирлик қилиб қолди. Олдинги биринчи қават бўлгани учун онахонга эшик тагидан жой қилиб берди. Ёз кунлари Лутфи ая ана шу ерда ётиб турди, лекин совуқ тушгач қайнонаси билан уйда ўтиришга тишини тишига қўйиб чидади.

Бир кун синглисиникидаги ўтиришдан кейин Акбар Азизани божасига рашк қилиб: — Агар бирор нима сезсам тирик қўймайман, — деб дўк урди.

ни оқ ювиб, оқ тараб, парверни қила бошлади. Илгари доимо эшик тагиде ётиб юрадиган бечора она анча ўзига келиб қолди, ҳатто неварасини боғчадан олиб келадиган бўлди.

Тўй ҳақидаги хабар тезда Акбарнинг собиқ қайнотаси қулоғига етиб борди. «Қандай қилсам, Акбардан ўч олсам экан!» деган фикр унга кечалари уйқу бермай қўйди. Азиза ёзнинг бошларида кетиб қолган бўлса ҳам, ажралиш суди сентябрь ойида бўлиб ўтди.

Акбарнинг қайнотаси 40 йиллик ўқитувчилик меҳнат фао-

фарзанд кутишаётганлиги маълум бўлди. Шунга қарамай суд нимагадир бу далилларни инобатга олмади. Бошқа суднинг Акбар билан Азиза ўртасидаги никоҳни бекор қилиш ҳукмига (сентябрь ойидаги) асосланиб, ҳали 6 ой муҳлат ўтмагани сабабли бир хона ажратиб тўғрисида ҳукм чиқариб, 3 хонани 2 ва 1 хонали уйларга алмаштиришни Азизага топширди. Агар Азиза қидириб топган имкониятлардан Акбар уч мартасида ҳам рад жавоби берса, унда суд мажбурий равишда 1 хонани олиб бериш ҳуқуқини баён қилди.

Тўғри, воқеанинг шунчаликка бориб етишида маҳалла аҳлининг ҳам айби бор. Уз вақтида ўртага тушиб Азизанинг ота-онаси ва ўзи билан гаплашишмади. Акбарни ҳам оқламоқчи эмасман. Олдин хотини билан орани узил-кесил очик қилмасдан, ўйламай-нетмай иккинчи хотинга ўйла-ниб олди.

Балки суд ҳайъати одил ва қонуний ҳукм чиқаргандир. Мени ва бошқа виждонли кишиларни бошқа нарса ўйга солмоқда. Биринчиси: ўз фарзандининг бахтини ўйлаган ота «қўй қизим, ёшинг ҳам қирқдан ошибди, нима бўлганда ҳам кўз очиб кўрган эринг, қайнонанинг беш кунлиги борми-йўқми, бироз сабр қил, ҳали яхши кунларнинг олдинда», деб тўғри йўлга солиши керак эди. Афсуски, бундай бўлмади. Нима учундир ўн йил эр-хотин бирга яшашибди-ю, энди бирдан ота қизининг ҳаётини даволатириб қолибди. Акбар ҳатто қизи Сайёрани ўз тарбиясига олишга розилиги ҳам инобатга ўтмади.

Иккинчиси ва энг даҳшатлиси: ўзи она бўла туриб Азизага қайси тил билан эрининг касалланд онасини «Ҳайдаб юбор» дейишга борди. Ахир олдида 10 яшар қизи катта бўлмоқда. Бир кун келиб ё куёви, ё қизи унинг ўзини ҳам ҳайдаб юбормаслигига ким кафолат беради. Ана шундай савол ҳар бир виждонли кишини чуқур ўйга толдириса керак, деб ўйлайман.

Зокиржон НУРХҶАЕВ, Куйбишев районидagi «Янги Авайхон» маҳалла қўмитасининг раиси, район Кенгаши-нинг депутати.

## Тоживой тажанг шаҳар кезади



## Қўл қовуштириб тураверасизми?

Пойтахтни айланаётгани «Курс муюлиши» кўчасида ўрта ёшлардаги икки кишининг суҳбати устидан чиқиб қолдим.

— Бу ариқларга қачон сув келаркин, Мамасоли, — сўради биринчиси. — Эчкилган дарахтлар қуриб қола-япти.

— Нимасини айтасиз, ниҳоллар қуриб қолмасин деб водопровод сувида суғораяп-миз.

Маълум бўлишича, Глинка кўчасидаги йўлка ёнига ўрнатилган новдан сув оқди-ю, бу томонга ўтмас экан.

— Яна муаммолар борми? — сўрайман суҳбатдошларимдан.

— Бўлмасамчи, муюлишдан ўтиб, маҳалламизга боргунча кўча тунда зим-зиё бўлади. Бу ерга симёғоч ўрнатиб, ёриткичлар билан таъминлаш зарур.

Ҳозир қайси маҳаллага борманг жамоа шунга ўхшаш масалаларда ёрдамга муҳтожлигини кўрасиз. Ўн-ўн беш йиллардан бери аҳоли шикоятларига аътибор бермай келаётган мутасадди уахонларимга аччиқ гапларимни айтарман. Аммо маҳалла аҳлидан ҳам озгина гинам бор. Қўмита аъзолари ҳашар уюштириб, бош-қош бўлсалар юқорида тилга олинган ишлар шу чоққача ҳал бўлиб кетармиди. Ахир ҳозир қўл қовуштириб ўтирадиган пайт эмас-ку!

Тоживой акага Маҳкам ҲАКИМОВ ҳамроҳ бўлди.

# Турмуш чорраҳаларида «ОНАНГИЗНИ ҲАЙДАСАНГИЗ ЯРАШАМАН...»

Шу баҳона бўлиб Азиза қизини олиб онасининг уйига кетиб қолди. Маҳалла аҳли «Келин кўринмай қолди!» деб сўраб-суриштирганда, Акбар «Қизим сариқ касал бўлган, парҳезини ушлаш қийин, шунинг учун уни онасиникига олиб кетган» деб қўтилади. Азиза бир ойдан кейин қайтиб келди, лекин кўп турмади. Отаси: «Қизим одам ўлдирган қотил билан бирга туролмайди», деб қизини кўч-кўронлари билан (баъзи майда-чуйдалардан ташқари) олиб кетди. Азиза эса: «Онанингизни чиқариб юборсангиз бирга яшайман», деб шарт қўйди.

Акбар ярашиш учун икки ой қўлидан келган ҳаракатни қилди. Лекин яна ўша ҳақорат ва шартни эшитди. У икки ўт орасида қолди: хотин деса, онани ҳайдаш керак, она деса хотиндан ажраладиган. Оқ сут бериб ўстирган касал-ванд онасини кўчага ҳайдаб қўйишга виждонли йўл бермади. Яна қариндош-уруғлар ўртага тушиб Акбарни бир қизчаси билан бева қолган аёлга уйлантириб, кичкина бўлса ҳам тўйини ўтказиб бердилар.

Иккинчи хотини қайнонаси-

лиятига эга бўлганлиги боисдан кўп ўйлаб ўтирмай барча уй-жой ва ҳовлини энг кичик ўғлининг номига ўтказиб, ер олиш учун ариза ҳам топширишга улгурди. Қизига эса «Уч хонадан (Акбарнинг уйдан) биттасини олиб беринглр», деб район судига даъво аризаси топширди. «Тўғрида, ахир, дангиллама ҳовли 6 хонаси билан, кичик ўғлимнинг номида бўлса, демак эрдан чиққан қизим учун алоҳида уй керак. Шунинг учун Акбар бир хонани бўша-тиб бериши зарур», дея фикр юритарди қайнота. Азиза ҳам бўш келмади. Аризасида «Эрим доимо ичиб келиб мени дўппосларди, қайнонам кун бермас эди», — деб ёзди. Бирга туролмаслигига асосий сабаб қилиб қайнонасини кўрсатди.

Яна бир гувоҳнинг ҳам кўргазмасини олишди. Акбар яшаб турган уйга бориб ён қўшниларни ҳам сўраб-суриштирдилар. Азизанинг 6 ойдан ортқ эри билан яша-маётганлиги, Акбарнинг кал-такламаганлиги ва ичкиликбоз эмаслиги аниқланди. Шунинг-дек иккинчи шаръий хотини ва боласи борлиги, улар яна



ГАЗЕТА ТАШКЕНТСКОГО ГОРОДСКОГО СОВЕТА  
ПО КООРДИНАЦИИ ДЕЯТЕЛЬНОСТИ МАХАЛЛЯ.

МАНЗИЛГОҲИМИЗ: Тошкент шаҳри, Ленинград кўчаси, 32-уй, Телефонлар 32-53-06, 33-99-42, 32-54-15.

ЖАМОАТЧИЛИК  
ТАҲРИР ҲАЙЪАТИ.